

## Ikajurutiksat

Ilissinnik ikajurumavugut kiinajanik tuksiraqtassinnik pijunnattiarunnarniarassi sanaugaliurniarussi! Uva ukua ikajurutigijunnarniaqtasi titiralirussi pijunnautinik.

Tunniqusiat pinasuktasi tamarmik pinasuktassinnik pijunnajjaaqtuksaungittuugaluat, atii qimiruttiarniaqpasiuk pijunnautiit Tavani pijunnautigijassinnik pitaqariarsanginnik pinasuktassinnik.

Taapkua asigittauq qauyimajutigiyunaqtatit, qauyigiaqlugu [Pivaliatitiniq Qanuqtuurniq: Sanaguaqtit](#) qarisautangatm ikiaqivik ikayuuti tapkunuga Inuknuk sanaguaqtinut! Isirunnautinik pisimajut pijunnarniaqtut qanuittutuinnarnik sanaugaliurniarluni atuqtaujunnaqtunik, ilagijauluni inuit katimanikkut ilinniaqtitaujunik, pilirijunnallariktunut pivaliajutiit pijaujunnaqtut, qinirutaujunnaqtut kiinaujanik aturutaujunnarniaqtunik, ammalu qanuq asinginnik sanaugaliuqtinik katiqatiqarunnarnirmik, ikajurunnarajaqtuksaungmijuq pijunautigijarnut ammalu pilirijunnattiarutiginiaqtarnut taimli uvunga pijunnaqusi qarisaumatigut atiliurlusi!

---

## Qaujisarniq

Pijunnautigijat qimirrujauniaqtuq katimajiralaanut Inungnut nanimiutalimaanut ammalu ajjigiingittunik pilirijiullutik tamakkuninga Inuit sanaugalirijinginnik nunalingmiunik.

Tamarmik pinasuktulimaat qajisaqtauniaqtut ullunut marruungnut aturlutik qaujisarutinik maliktaujuksanik. Qaujisarutinik maliktaujarialingnik ilingnik ikajurunnaqtut qanuittunik pijumajarnik aaqiksuitillutit. Iqqaumalutit tmakkua qaujisaqtiit ilingnik

qaujimangimmata, kisanili tamakkuninga pinasugutinik qimmirrullutik qaujijunnarmata ilingnik.

Ilagijauulluni tamakkuninga qaujisaqtiujunik katimajiralaanik aksualuk ikajurutaujunnarmat qanuittuunajarnirmik igluaningaarluunit! Pijumaguvit qajisaqtiunirmik Inuit Sanaugalirijikkunginnik? [Qaujigiakkannirunnagputit.](#)

## Iqaumajjutiksats Pimmariujut

- **Ilingnik piviqagtittiarlutit!** Piviqagtittiaruvit ilingnik ikajuttiarunnaravit ammalu pinasugutitit titiralirlugit ammalu niruaqsirunnattiararavit sanarrutinik tuavingillutit.
- **Qimirrutiartlugit maligialiit.** Pijariakippit sunatuinnarnik qaangiqsilluni, tamatta taimanna pijimavugut! Milittiarniaqpasiuk maligialiit ammalu qaujisattiaqattarlugit titiraqpalliajatit.
- **Niruaqsirlutit sanattiarunnaqtarnik.** Niruaqsirlutit sanarruarunnarniaqtarnik ilingnik kiggaqtsimajumik ammalu ilingnik takuksautittinasuglutit sanatiarunarnirnik! naluliruvit. Piqannarijarnik ukpirittiaqtarnik apirilutit, ilagijarnigluunniit, uvaluunniit sanaqatigijarnik ikajuqtaujumanirarlutit qanuq sanajunnattiarirnik ammalu qanuimmat
- **Isumagittiaqsimalugit titirauyaqpaliyatit ammalu nalunaiqsiyut qanuiliurayaqmagaaqpit!** Paqnaiguvit qauyisaqpaliayumalutillu nutaanik sanaguarutinik obvaluunniit atuqtausuunik, qauyisattiaqlutit ilaliutisimaqatauniaqmagaaata ilagit pivalialisaaqlutit aaqiksivalialisaaqlutit titirauyaqsimayunik obvaluunniit nalunaiqsiyut qanuiliurayaqtatit taapkua takutilugit piliriqatigiiknut qauyisaqtinut taapkua sanavalianiraqlugit paqnaksimaniraqlutit.
- **Pinasugutigijjatit uqalumaattiarlugit.** Uqalumaattiarlugit pinasugutigijjatit atausiangillugit nipiqqutlutit tusaajunnaruvit qanuq piutigimmangaat. Ikajurutaujunnarmijug apirilutit piqannarijarnik ilagijarnigluunniit uqalimaqulugit uvaluunniit qanuimmangaat uqaqulugu.
- **Apirilutit ikajuqtaujumanirnik.** Tavaniippugut ikajurunnarniaratta ammalu kiujuunnarniaqLuta apiqutgijarnik. Atii uvattinnut apiriqattarniaqpusi ammalu katiqatigijunnarniarassiuk inksaliurlutit ikajuqtauniaravit.

## Sanaugaliuqtiup inuusinganik unikkaat

(250-nik uqausirnik aturlutit)

Ilingnik unikkaaqsimajut ilingnik qaujikkaivutit taakununga qaujisaqtiujunut ammalu ikajuqtaujunnattiararavit inuusatinnik qaujisaqtiujunik ilingnik qaujittiarunnarnirmik tukisittiarunnarttarnirmik ammalu qanuq sanajarnik qaujittiarunnarniarmata. Piqujivugut ilaliutlugit tusaumajjutiksats ukununga:

- Nunaliit ammalu ilatit Inuit nunangannirmiutat
- Nanilu ilittilaurnirnik sanaugaliurnirmik (innarnik nunlingmiutanik, ilingnik ilinniaqtilaurnirnik, sanaqatingnik, qanutuinnarlu ilinniaqtitallutit, asinginniglu)
- Ilaunniruvit takuksautittillutit sanajarnik, suurlu takujagaqarvingmi, nunalingnit, tarrijautitigut talaviisakkulluunniit, tauqsiiqattautinikkulluunniit uvaluunniit; sanajatit titiraqtausimallutik uqalimaagarnik uvaluunniit tikisaaksanik, uvaluunniit asingittigut qaujijautittillutik
- Qanuittutuinnarnik takuksautittiniq
- Sanajatit ilagijaukpata takujagaqarvingmiLLutik, uvaluunniit sanauganik takujagaqarvingmit.

Titirarlutit inuusirnik suurlu asivit titirarluniuk ilingnik pijjutilingmit. Qaujinasuklugu [AQ-mit titiraqsimajut](#) qanuilinganirmit uukturutigitlugu!

Ilingnik qanuilinganirnik piqarumaguvit uvunga pinasugunnaqputit [iaq@inuitartfoundation.org](mailto:iaq@inuitartfoundation.org) -mut pigiaqtaujunnarniaqLutiglu (immaqaa pianiktaujunnarniaqtuq taqqinik 1-2-migluunniit). Ilinniakkannirumaguvit titirarnirmik sanaugaliuqtiup inuusinganik takujunnaqputit ajjiliuqtausimajumik imaittumik taijaujuq ilisarniq katimatillugit ilinniarutaujumik [uvunga](#).

## Sanaugaliuqtiup uqausinga

(250-nik uqausirnik aturlutit)

Uqautitigut sanaugariqattaqtarnik. Taanna titiraqsimajunnaqtat ivvit uqausimmarigijarnik piliriariqattaqtarnik. Kiuqattarniq apiqutinik taimaittunik ikajurutaujunnarniaqtuq qaujisaqtiujunut katimajiralaanik ilingniglu tukisiumattialirlutik. Kajungiqsaijuttillu, ammalu qanuimmat taimaittunik sanaqattarnirnik.

- Qanuimmat pijuksiqattaqpit sananirmut?
- Qanuittunik sanaqattaqpit ammalu qanuittunik pijjutiqasuunguvit, ikpigijaqasuunguvit, uvaluunniit unikkaanik qinisuunguvit sananiaqtarnik pijjutiqaqLutit?
- Qanuittunigli uqausiqarasuunguvit sanajarnik pijjutiqaqLutit?
- Qanurli sanaugaliuqtiullutit turaagaqqaqpit?

Ilinniakkannirumaguvit titirarnirmik sanaugaliuqtiup uqausinginnik tatuklutit ajjiliuqsimajumik uvani ilisarnirmik katimanikkut ilinniarutiksamik [avunga](#).

## Tuksirautit qanuilinganingit

(Atausirmik makpigarmik aturunnaqputit taakunungarniaqtumik iniqarvingmut. Marrunik makpigarmik aturunnaqputit turaagarmut) Qanuilinganingit piliriarjaqpit pimmarialuuvuq ilagijaulluni pinasugutigijarnut. Taanna inuuqatingnut qaujsaqtijunut qaujiniarmata qanuittunik aturiaqarajarnirik kiinaujanik tuksiraqtillutit. Pimmariugivuq qaujittillutit pilirijimajatit angiqtaujunnarniarmata ammalu qanuimmat pinaittiarumagavigit.

- Nalunaiyattiaqlugu sanaguaqtait tautturiniaqtanga ammalu uqaqatigilugu qanuq paqnaksimakmagaqpit atuqniaqlugit. Taapkua kiinauyaksait.
- Tukisinattiaqtumik nalunaiqsilutit qanuq aaqiksianiaqnganik (Kisuvvat turaaqtatit ammalu qanuq nigiyriaqnik piyariirukni?)
- Qanuittungli aturiaqapit pianiksilutit turaagarjarnik? (Sanajjutinik, ilaunirmik sanajuunuk, ingiraniq, ammalu qanuq qangakkut sananajaqpit. Asingillu)
- Qanuittumik pijjutigijumajarnik qinirniaqpit?
- Qanuimmat taanna sanajait ilingnut pimmaruiva? Qanurli ikajurniqarniaqpa sanajiunirnut?
- Qanuittunik sanarrutinik, sananiaqtatillu, iniksaqarviillu uvvaluunniit asinginnik aturniaqtarnik sanatillutit?
- Qangakkuli pianingniarasugiviuk taanna sanajait?
- Pianingniaqpiuk parnagutigijat tamarmik uvaluunniit ilainnangagut?
- Kiinaujanik tuksiravit tuksiravigijaqpit asinginniik?
- Asinginnik sanaqatiqaqpiit iingukpat, angilauqpat pinasuqatauniarnirminiik?

Tiliurimmarikpugut tuksirautigijarnik titrattiarlutit, kisanili titirariaqarniaqputit 250 uqausirmik tuksirautigijassinnut.

Qaujimavugut pinasuattiarumagassi. Taimali atii titraqtassinnut takuksautittiarlugit pijumajassinnik ammalu quvisuglusi pinasuglusiuk!

## Aaqittiaqsianiaqmat Imaililugu

**Saqitittiaqlugu ajinguaqagut:** Atii ujiqsattiaqniaqputit ajittiaqvauniaqmat tuniyait. Ajinguat saqiyaatiaqlutik, nalunaittiaqsimaluni, ammalu saqitittisimattiaqluni ivvit sanatanganik. Isumagittiaqlugit ataani titraqsimayut niruasiliruvit ajinguaqmik tunniqutiginiaqtaqnik:

- Ajiliuritailimalutit taaluaqtumi ovaluunniit qimattaqtumi.
- Ajiliuritailimalutit asiginik piqutinik tunuani taimalu atuqsilutit kisuqangitumik tunuani, ammalu taqsaqangitumi tunianiititilutit
- Unuluqaqtunik sanaguaqsimayunik katingayunik atausiqmut ajinguaqmut saqititaililugit
- Taimalu sanaguaqsimayait saqiyaatiaqlugu ammalu ilisaqnatiaqlugu
- Tunisittaililutit uqaluutiralaqnut ajiliuqtaililugu saqiyaatiaqlugu sanayaqnik qangatuinnaq
- Tunilugit ajinguat ajinguatavaulaat pisimayatit

Ajuriqsuutiyaukkanirunaqtutit qanuq titiqalirijunaqmagaqpit sanaguaqsimayaqnut, atii taqqiyaqlugu iliniaqtitiyuq Cora Kavyaktok tamatumminga [Ajiliuqlugu Sanaguaqtait](#).

## Sanaugaliuqtiup iqqanaijaarijanginnut titiraqsimajut

(Pingasunik makpigaqarialik, tuuragarmut kisiani)

Inuusiqpit titiraqtausjimajup ajjigingilluniuk, ilingnik tatuququujiluni ammalu ivvit unikkaasimalugu, ilautigiaqatqat sanaugaliuqtiunirnik unikkaaqsimajumik taakkua inuuqatitit qaujisaqtiujut katimajiralaat qaujimattiarniarmata piliriarigattaqtarnik ammalu ikajurutiginarlungit tukisittiarunnautinginnik sanaqattaqtarnik. Piqujigivutgut ilagijaungmiluni ataani titiraqsimajunik, ilingnut ikajurutauniaruni.

### Piusirijaujut takuksautitiluni sanajarnik

- Takujagaqatqittiniq sanajarnik ilagijauvuq uvaluunnit takuksautitait
  - » Piqujivugut aaqkiksimalugit tamakkua sanajatit suurlu imanna, inungmut atausirmut, marrungnut inungnut, ammalu anuqtunut katisumajunut inungnut takujaqtuqsimajunut sanajarnik. Ilautillugit ulluit, sanaviit, takujaqatqitavit atinga, ammalu titirausirilugit takuksautit takujaujunnarninganik pularaqatunut
- Ilauvigilauqtatit qungiaqtauviujut
  - » Ilaliutilugit ulluit, sanaviit, takujaqatqitavit atinga ivvit qanuiliurnirijat
- Pilirijait uvaluunnit takuksautitaujut
  - » Ilautillugit ulluit, pilirijavit atingit, ammalu ivvit piliriatit
- Ikajurnirilauqtatit tarrijaaksanik piliritillugit
  - » Ilaliutilugit ulluit, tarrijaaksat atingit, ammalu ivvit qanuiliurnirijat
- Titiraqtausimajunut piusirijaujut
  - » Ilaliutilugit ulluit ammalu atingit qanutuinnaq titiraqtausimajunik, uqalimaanik, asingillu

### Ilinniarniq uvaluunniit pilimmaksarniq

- Ilalit uvvaluunniit nunalingnit kajungisaijiujut
- Quttingniqsamik ilinniarniq
- Ilinniaqsinnaaq nalunaikkutaqtaait

### Katiqsuqtaujut

- Kikkutuinaat uvvaluunniit immikkut katiqsuqtaujut ammalu ivvit sanaugalirijatit ilagijauluni, suurlu Nunavut gavamakkungitta Inuit Sanauganginnik katiqsurvik sanaugalirivvik, Guelph-mit, Winnipeg-mit sanaugalirivvik Qaumajuq, TD kiinaujakkuvik katiqsuivvik, asingillu.

### Upigusungniq amma tunniqqusiat

- Upigusungniq, tunniqsiiallu, ammalu ilitarijaujutiit pijaviniqit, suurlu imaittunik Kenojuak Ashevak iqaumajjutinginnik tunniqqusiat, Sobey sanaugalirinirmut tunniqqusiat, Ontarijajamit sanaugalirinirmut katimajiit nunaqaqqaqsimajut sanaugalirinirmut tunniqqusiat, asingillu.
  - » Ilagilugu titiraqsimajut ammalu qaritaujatigut titiraqtausimajut

### Tusagatsait ammalu uqalimaagaksait

- Naliatuinnaq talavisakkut, naalautikkut, ovaluunniit ikiaqivikkut apisuqtauuyut, sanaguaqtit uqalaktangit, Qimirujiit uqaqatigiigutungi, asingillu.
- Naliatuinnaq uqalimaagait ukualu sanayati ilaliutisimalutik, suuqlu *Inuit Sanaguaqsimayangit Uqalimaagaq*
  - » Ilaqatqut uqalimaaganik ammalu ikiaqivikkut tusagaksait.

Qaujikkannirumaguvit titirarnirmik sanaugaliuqtiup iqqanaijaanginnik titiraqsimajunik. Tautuklugu tarrijaliuqsimajuq ajjiginginnik ilisarniq katimallutik ilinniaqtaujut [uvuna](#).

### Iqqanaijaarijaujut titiraqtausimaningit uuktuutit

- [Kenojuak Ashevak](#)
- [Kyle Aleekuk](#)

*Inuit Sanaugalirijikkunnit* qanuilinganirnik titiraqsimajut piummariktuq qaujittiarumaguvit iqqanaijaarnut titiraqtausimajunik! Piqangikkuvilli qaujigiarunnaqputit ukununga [iaq@inuitartfoundation.org](mailto:iaq@inuitartfoundation.org) -kunnut pigiaqulugit iqqanaijaarnut piliriarigattaqtarnik, amisuungittunik minitsinik aturlutit qinirit tamakkuninga ilanginnik kajungiqsaijijutitnik!

## Kiinajat

(Iniqarvik/Turaagaq)

Ataani titiraqsimajut uktuutiujunaqtut kiinaujanik aturunnaqtarnik ivvit sananiaqtarnut aaqiksuitillutit. Kiinaujat pivviujunnaqtut qaujittillutit inuuqatingnit qaujisaqtiujunik piliriarijat pivalliajjutaujunnarninganik ammalu kiinajanik aturiaqaqtarnik qaujijjutajunnarniarmata. Atii titirarlutit ilulinginnik qanuittunik kiinajanik aturutiqarajarnirnik taminna qaujisaqtiujut tukisittiarunnarniarmata qanuittunik kiinaujanik aturiaqarnirnik, taapkualu ilaliutisimaniaqtut kisanittauq asiginik taapkua [Ajungitut Akiliqsurunatatit](#).

Titirattiarlutit aturniarasugijarnik kiinajanik aturutigijarnik. Kiinaujatit naammattariaqaqput, tamakkua katillugit kiinaujaqtaanguvalliajut ajjiqattiarlutit kiinaujanik aturnirjarnik. Turaagaksariniaqtat takutittigiqaravit piliriariniaqtarnik pivalliajjutaujunnattiarninganik ammalu ivvit pigiarunnattiaqsimagavit.

Nalimugiiktisimattiarlugit kiinaujat , ammalu taima niruaqsirunnattiarniaravit ivvit piviksariniaqtarnik.

### \*Uktuutit kiinaujanik\*

Kiinauyait Isiqtu	Qapsiuniga \$	Kusuliriniga Nalunaitiaqlugu
Kiinauyaksaq lkayuusiaq	<input type="checkbox"/> \$5,000 <input checked="" type="checkbox"/> \$10,000 <input type="checkbox"/> \$15,000	
Qaangagut Kiinauyaqsaaqtaaqvigiyatit (Titiragikaluaruni qanuingituq)	\$5,000	Nunattiarmit sanaugalirinirmut kiinaujat Tunniqqusiangujut
<b>Katillugit \$</b>	<b>\$15,000</b>	

Akiliqsuqtatit	Qapsiuniga \$	Kusuliriniga Nalunaitiaqlugu
Piqutit	\$3,000	Amiaqvisaq, amiaq, amiaruti, avaluksait
Aularuti	\$4,000	Qangatasuukut \$3,600, Nunasiutimik aturutit \$400
Sanaguaqti ikaraga	\$3,000	\$30/lkarak x25lkaramut/Pinasuarusiq x4 Pinasuarusit
Iklumut aturuti	\$1,000	50% 1 Taqimut akiliuti iklumut taikani \$2,000/Taqimut (Angiramikni sanaviqaqtut)
Pairivik	\$1,200	
Angataqtitijutnut	\$2,800	
<b>Katillugit \$</b>	<b>\$15,000</b>	

## Ikajutitaugiaqakkanniipsisii?

Ikajurunnaqpugut! Qangatuinnakkut qanutuinnaq tukisijunnailigusi uqausiqakkannirunnaqpugut. Ikajuqtaukkanirumagusilluunniit uvaluunniit apiqqutiksaqarussi pinasugutigijassinnik, atii apirilusi uvattinnut!

Kyle Aleekuk  
Piliriaksaliriji  
647.498.7717 ext. 115  
kaleekuk[at]inuitartfoundation[dot]org

Kajungisaut tunniqqusiat kiinaujat piliriangujuq pivalliatisiqatigiingulluni taakkunangat Kana-  
tami katimajinginnut sanaugalirinirmut pijunik.

